

Uunga siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinnissaa pillugu Inatsisartut inatsisaat nr. xx, yy.

2015-imeersoq

(§ 50-imi atuutilernissaanut piumasaqaatit allanngornerat)

Saqqummiussissut

(Aningaasaqarnermut Aatsitassanullu Naalakkersuisoq)

Siullermeerneqarnera

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup (aatsitassarsiornermi aningaasaateqarfimmut inatsit) allannguuteqartinneqarnissaanut siunnersuut matumuuna saqqummiutissavara.

Siunnersuut inatsisissatut siunnersuutip, ilaatigut atuutsitsilernissamut aalajangersakkat allannguuteqartinneqarnissaannik imaqartup, ilaatigullu pigisat tigussaasut aatsitassarsiornermi aningaasaateqarfiup isertitassanut tunngavigisaanni ilaatinneqartassanngitsut aalajangersaaviusup, ilaatut 2014-imi upernaakkut ataatsimiinnermi saqqummiunneqaqqaarpoq aammalu siullermeerneqarluni. Inatsisissatut siunnersuut manna taamaallaat atuutsitsilernissamut aalajangersakkanik allannguuteqartitsinermut tunngassuteqarpoq.

Kisiannili atuutsitsilernissamut aalajangersakkani allannguutissat aappassaanneerpeqanngillat, tassami suliarinninnissaq 2014-imi ukiaanerani ataatsimiinnissamut kinguartinneqarmat. Qinersinissap nalunaarutigineqarnera pissutigalugu inatsisissatut siunnersuut taamanikkut atorunnaarpoq.

Teknikkikkut allannguuteqartitsinerup saniatigut § 50-imi atuutsitsilernissamut aalajangersakkami allannguutissamik siunnersuut imaqarpoq. Siunnersuummi qulakkeerneqassaaq, Aatsitassarsiornermi aningaasaateqarfiup pilersinneqarnissaa sioqqullugu, ukiut marluk tullerit minnerpaamik 10 mio. koruuninik aatsitassarsiornermit isertitaqartoqarsimalluni, minnerpaamik Nunap karsiata naatsorsuutaasa akuerineqarsimanissaat.

Aningaasaateqarfiup ingerlatsinermit aningaasartuutaasa ingerlaavartut aningaasalersorneqarnissaannut naammattunik isertitaqarnissaq naleqquttumik qulakkeeqqaarnagu, Aatsitassarsiornermi aningaasaateqarfik pilersinneqassappat, tamanna tulluanngitsoq Naalakkersuisut isumaqarput. Atuutilernissaanut piffissaliussamut siunnersuut

maannakkut aatsitassarsiornermi aningaasaateqarfimmut inatsimmi ilanngunneqartussatut kissaatigineqartoq, 2012-imi ukiaanerani ataatsimiinnermi Naalakkersuisunit atuutsitsilernissamut piffissaliussap allannguuteqartinneqarnissaa pillugu siusinnerusukkut siunnersuut oqallisigineqarmat, taamanikkut Inuussutissarsiornermut Ataatsimiititaliaasup nammineerluni isumaliutissiisummini siunnersuutigisaanut, naapertuuppoq.

Taamatut oqaaseqarlunga oqallilluarnissamik kissaappassi.